

կախում էին պարանոցների օգնությամբ բարձր տեղից, սովորաբար ծալովի բարձր եռոտանու վրա⁹⁶:

Ստուգելու համար, թե խնօցու մեջ կարագը արդյոք ամբողջովին հարվել է, թե ոչ, դիմում էին Մառգարդարի⁹⁷ օրը եկեղեցուց բերած հինու, հօտի՝ ուռու չյուղի օգնությամբ:

Եթե խնօցին քիչ կարագ էր տալիս, դիմում էին մոլլին: Սա աղոթքներ էլ գրում մի կտոր թղթի վրա⁹⁸, կարում էր աղվեսի մորթու մի կտորի մեջ: Այս հմայիլը կախում էին խնօցու վրա: Հավատում էին, թե խնօցին այնուհետև կսկսեր ավելի կարագ տալ:

Ջեր կարելի խնօցին հարել կիրակի օրերը՝ խնօցին կկոտրվեր:

Կարագը հարում էին գլխավորապես կովի կաթից, իսկ պանիրը պատրաստում էին ոչխարի և այծի կաթից: Պանրի մաշան պատրաստում էին նույն ձևով, ինչպես և այլ հայկական և կովկասյան գավառներում: Մայան պահում էին պուլիկների մեջ:

Մինչև սար գնալը ստացված յուղը պահում էին կավե ամանների մեջ և բերանը սիրէկավ⁹⁹ կապած հաճախ հորում էին: Սարերում պատրաստած կարագն ու յուղը պահում էին այժի տիէրի մեջ: Պատրաստի պանիրն աղած պահում էին, ինչպես և մօթալը, նույնպես տիէրի մեջ: Բացի յուղից և պանրից՝ կաթից պատրաստում էին նաև շօր, բուլաման և սուլուղը. վերջին երկուսը ոչխարի ծնի առաջին օրվա կաթից¹⁰⁰:

Ձանգեզուրում չի մշակվել խաբի կոոպերատիվ ձևը, որն արդեն այնպիսի ամուր և դարերի գործածությամբ սրբագործված կանոններ է ստացել Ախալքալաք-Ախալցխա և առհասարակ Կարնո հայերի կաթնատնտեսության մեջ: Ըստ այդ սովորության մի քանի տնտեսություններ իրենց մեկ օրվա կթածը մի տեղ էին հավաքում, իրենց բերած բաժինների հաշիվները ձիշտ պահում և դրա համեմատ հերթով օգտագործում հավաքած ամբողջ օրվա կաթը՝ խաբու խազ անում:

Սակայն այս գավառումն էլ, որպես արևմտյան հայաբնակ դյուղերում, մինչև Շապին-Կարահիսար, տարածված էր Համբարձման օրը կաթով մատաղ բերելու սովորությունը¹⁰¹:

Այդպիսի մատաղ գործադրվում էր արտերը մկներից, մորեխից և կարմիր ժանգից պաշտպանելու համար՝ կաթնավին ուտելուց հետո, մնացածը ցանում էին արտերի շուրջը:

ԲՐԴԻ ՎԵՐԱՄՇԱԿՈՒՄ ԵՎ ԹԵԼԻ ՆԱԽԱՊԱՏՐԱՍՏՈՒՄ

Բուրդը Ձանգեզուրի, ինչպես և Անդրկովկասի և Մերձավոր արևելքի այլ երկրների բնակիչների ընտանիքի մեջ ահագին նշանակություն ունեւ կենցաղային գործածության մեջ: Կան երկրներ, որտեղ մետաքսն է իր կնիքը դրել և՛

⁹⁶ Ադրբեջանական գյուղերում խնօցին շինվում էր այժի կամ ոչխարի տկից և կոշվում էր, ինչպես և ինքը տիկը՝ քուլովս: Տիկը կախվում էր մեջքով վար, ոտներով վեր: Քուլովսը գործածելուց հետո կարելի է անմիջապես ոլորել՝ ծալել, մի բան, որ շատ հարմար է սար բարձրանալիս, ուր ծանր փայտե խնօցին դժվար է գրաստով փոխադրել:

⁹⁷ Մեղրու բարբառով՝ Մրոզէ՛րդար:

⁹⁸ СМОМПК, вып. XXXIV, отд. III, էջ 98:

⁹⁹ Սարեկ—անստունի փորից պատրաստած ամանների բերնածածկոց:

¹⁰⁰ Зелуцкый С. П., նշված աշխ., էջ 101:

¹⁰¹ Տե՛ս «Ժողովրդական տոներ» գլուխը: